



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

XXXII. Indulgentia Plen. perp. Ecclesiis Canonicorum Regularium, &  
Monialium Sancti Antoni Viennen.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

ipſi Exponentes etiam ejuſdem Caroli Cardinalis, & Archipreſbyteri nomine, humiliter ſupplicari fecerunt, ut pro Decreto huiusmodi in Divini Servitii incrementum vergentis perpetua firmitate, & ne unquam ab ullis Capitularium tam præſentium, quam futurorum illius obſervantia, ſub prætextu quod illi non ligentur, ſeu quod illi non conſenſerint, aut ex alio quocumque titulo, & capite, etiam validitatem, & juſtitiam ipſius Decreti concernente, in controverſiam vocari poſſit, opportune ſibi in præmiſſis providere, & ut infra indulgere de benignitate Apoſtolica dignaremur.

Confirmatur prædictum decretum.

ſ. 2. Nos igitur Carolum Cardinalem, & Archipreſbyterum, ac Exponentes præſatos ſpecialis favore gratiæ proſequi volentes, ipſorumque exponentium ſingulares perſonas a quibus excommunicationis, ſuſpenſionis, & interdicti, aliſque eccleſiaſticis ſententiis, cenſuris, & pœnis a Jure, vel ab homine quavis occaſione, vel cauſa latis, ſi quibus quomodolibet innodata existunt ad effectum præſentium dumtaxat conſequendum, harum ſerie abſolventes, & abſolutas fore cenſentes, huiusmodi ſupplicationibus inclinati, Decretum Capitulare præinſertum auctoritate Apoſtolica tenore præſentium confirmamus, & approbamus, illique inviolabilis Apoſtolica firmitatis robor adjicimus; ac omnes, & ſingulos Juris, & facti defectus, etiam ſubſtantiales, ſi qui deſuper quomodolibet intervenerint, ſeu interveniſſe dici, cenſeri, vel prætendi poſſent, ſupplemus, ipſumque Decretum a præſatis modernis, & pro tempore exiſtentibus Archipreſbytero, ac Capitulo, & Canoniciſ Basilicæ prædictæ, eorumque ſingulis ad quos ſpectat, & ſpectabit in futurum inviolabiliter obſervari debere.

Claufula.

ſ. 3. Præſentes vero literas ſemper firmas, validas, & efficaces exiſtere, & fore, ſuoſque plenarios, & integros effectus fortiri, & obtinere, ac ab illis ad quos ſpectat, & pro tempore ſpectabit in omnibus, & per omnia pleniffime ſuffragari: Sicque in præmiſſis per quoscumque Judices Ordinarios, & delegatos, etiam cauſarum Palatii Apoſtolici Auditores, judicari, & deſignari debere; ac irritum, & inane ſi ſecus ſuper his a quoquam quavis auctoritate ſcienter, vel ignoranter contigerit attentari decernimus.

ſ. 4. Non obſtantibus Conſtitutionibus, & Ordinationibus Apoſtolicis, ac quatenus opus ſit dictæ Baſilicæ, aliſive quibusvis etiam Juramento, confirmatione Apoſtolica, vel quavis firmitate alia roboratis ſtaturis, & conſuetudinibus, Privilegiis quoque, Indultis, & literis Apoſtolicis in contrarium præmiſſorum quomodolibet conceſſis, confirmatis, & innovatis. Quibus omnibus, & ſingulis illorum tenores præſentibus pro plene, & ſufficienter expreſſis, ac inſertis habentes, illis alias in ſuo robore permanſuris ad præmiſſorum effectum hac vice dumtaxat ſpecialiter, & expreſſe derogamus, cateriſque contrariis quibuscumque.

Datum Romæ apud S. Petrum ſub Annulo Piſcatoris die XXV. Februarii MDCLXXVIII. Pontificatus noſtri Anno Secundo.

XXXII.

Conceditur Indulgentia Plenaria perpetua viſitantibus aliquam ex Eccleſiis tam Canonicorum Regularium, quam Monialium Ordinis S. Antonii Viennen. in feſtis SS. Antonii Abbatis, S. Auguſtini, & S. Monicæ.

Dat. 25. Febr. 1678. An. 2.

INNOCENTIUS PAPA XI.

Ad futuram rei memoriam.

Exordium.

Celeſtium munerum Theſaurus, quorum Diſpenſatores Nos eſſe voluit Altiffimus, cum ad Chriſtianæ pietatis incrementum, & anima-

rum Chriſti fidelium ſalutem profuturos ſperamus, libenter elargimur.

ſ. 1. Supplicationibus itaque dilecti filii moderni Abbatis Generalis Canonicorum Regularium Ordinis S. Antonii de S. Antonio Viennen. ſub regula S. Auguſtini nomine Nobis ſuper hoc humiliter porrectis inclinati, ac de Omnipotentis Dei miſericordia, & Beatorum Petri, & Pauli Apoſtolorum ejus auctoritate conſiſi omnibus utriuſque ſexus Chriſti fidelibus vere pœnitentibus, & conceſſis, ac ſacra communione reſectis, qui aliquam ex Eccleſiis tam Canonicorum Regularium, quam Monialium Ordinis huiusmodi hæcenus erectis, & in poſterum quancumque erigendis, ac ubicumque locoſum exiſtentibus in Sancti Antonii Abbatis, ac S. Auguſtini, & S. Monicæ feſtis diebus a primis veſperis uſque ad occaſum ſolis dierum huiusmodi ſingulis Annis devote viſitaverint, & ibi pro Principum Chriſtianorum concordia, hæreſum extirpatione, & Sanctæ Matris Eccleſiæ exaltatione piis ad Deum preces effuderint, quo die prædictorum id gerint, plenariam omnium peccatorum ſuorum Indulgentiam, & remiſſionem miſericorditer in Domino concedimus, Præſentibus perpetuis futuris temporibus valituris.

ſ. 2. Volumus autem, ut præſentium tranſumptis, ſeu exemplis etiam impreſſis manu alicujus Notarii publici ſubſcriptis, & ſigillo Perſonæ in dignitate Eccleſiaſtica conſtitutæ munitis, eadem fides ubique adhibeatur, quæ ipſis præſentibus adhiberetur, ſi forent exhibitæ, vel oſtenſæ.

Datum Romæ apud S. Petrum ſub Annulo Piſcatoris die XXV. Februarii MDCLXXVIII. Pontificatus noſtri Anno Secundo.

Transferretur Indulgentia Plenaria Perpetua in alium diem pro Eccleſiis Fratrum, & Monialium Ordinis Eremitarum Sancti Auguſtini in Etruria.

Preces Abbatis Generalis.

Conceſſio d. Indulgentiæ Plenariæ perpetuæ.

XXXIII.

INNOCENTIUS PAPA XI.

Ad perpetuam rei memoriam.

Exponi Nobis nuper fecit dilectus filius Dominicus Valvaſorius Vicarius Generalis totius Ordinis Fratrum Eremitarum Sancti Auguſtini, quod alias fel. rec. Clemens Papa Decimus prædeceſſor noſter, ſupplicationibus Venerabilis Fratris Joſephi Eufanii Epilcopi Porphyrieniſis Sacrarum Noſtri Apoſtolici, tunc ſui Præſecti, nomine ſibi ſuper hoc humiliter porrectis inclinatus; Omnibus utriuſque ſexus Chriſti fidelibus vere pœnitentibus, & conceſſis, ac ſacra communione reſectis, qui miſſæ ſolemni in quacumque Eccleſia, tam Fratrum, quam Monialium Ordinis prædicti quotannis die vigeſima Octobris, qua officium de Nomine Beatæ Mariæ Virginis, cum lectionibus, & officio in Toletana Diceceſi die decimaſeptima Septembris recitari ſolitis ab omnibus tam Fratribus, quam Monialibus ejuſdem Ordinis in univerſo Orbe exiſtentibus recitari conſuevit, celebrandæ interfuiſſent, & ibi pro Chriſtianorum Principum concordia, hæreſum extirpatione, ac Sanctæ Matris Eccleſiæ exaltatione, piis ad Deum preces effuſiſſent, plenariam omnium peccatorum ſuorum indulgentiam, & remiſſionem ſub certis modo, & forma tunc expreſſis, in perpetuum conceſſit, & alias, prout ipſius Clementis prædeceſſoris literis in ſimili forma Brevis die ſexta Auguſti 1672. deſuper expeditis, quorum tenorem præſentibus pro ſufficienter expreſſo haberi volumus uberius continetur.

ſ. 1. Cum autem, ſicut eadem expoſitio ſubjungebat, in omnibus Eccleſiis tam Fratrum,

Dat. 4. Mart. 1678. An. 2.

Species facti.

Conceſſa fuit a Clemente X. Indulgentia plenaria omnibus addantibus Miſſæ ſolemni in Eccleſiis tam fratrum, quam Monialium Ordinis Eremitarum S. Auguſtini die 20. Oct.

Cauſa translationis.

quam